



Istinomjer Zastone <istinomjer@zastone.ba>

Medijski upit

Amil Brković <amil@soc.ba>

Thu, Jun 16, 2022 at 3:08 PM

To: istinomjer@zastone.ba

Cc: Emina Bosnjak <emina@soc.ba>, Darko Pandurevic <darko@soc.ba>

Poštovana Amina,

Vežano za Vaš upit od 14.06.2022. koji ste uputili na mail adrese office@soc.ba, emina@soc.ba i dajana@soc.ba, dostavljam Vam odgovore na pitanja:

1) Institucionalno djelovanje kada su u pitanju istospolna partnerstva u BiH ogleda se jedino u FBiH, gdje je Vlada FBiH pokrenula pitanje regulisanja položaja istospolnih partnerstava. Tako je u februaru 2020, na svojoj konstituirajućoj sjednici, s radom počela Interresorna radna grupa koja će izvršiti analizu propisa u okviru kojih istospolni parovi iz životne zajednice mogu ostvariti svoja prava, koja proizilaze iz Evropske konvencije za zaštitu ljudskih prava, i predložiti propise koje je potrebno donijeti na području Federacije Bosne i Hercegovine. Radna grupa sačinjena je od predstavnika Ureda premijera FBiH, Federalnog ministarstva pravde, Federalnog ministarstva rada i socijalne politike, Federalnog ministarstva unutrašnjih poslova, Federalnog ministarstva zdravstva i Gender centra FBiH. Radna grupa je nakon svoje konstituirajuće sjednice pozvala i predstavnike ce Sarajevskog otvorenog centra (SOC) kao organizacije koja predstavlja LGBTI osobe i posjeduje ekspertizu u ovoj oblasti. S početkom pandemije COVID-19 u BiH prekinut je i rad Interresorne grupe, sve do početka 2021. godine. U periodu od februara do aprila 2021. radna grupa je održala tri sjednice, gdje je postignut značajan napredak ka ispunjavanju njenog mandata, odnosno ka donošenju zvaničnih zaključaka prema Vladi FBiH o tome koje je propise potrebno donijeti i/ili izmijeniti da bi se eliminisala diskriminacija istospolnih parova u FBiH. Predstavnicima ce SOC-a u radu same Interresorne grupe zagovarali_e su donošenje jednog posebnog zakona koji bi regulisao niz oblasti od interesa za istospolne zajednice na isti način kako je to predviđeno bračnim i vanbračnim partnerima. U tu svrhu ponuđen je i Model zakona o životnim zajednicama osoba istog spola Federacije BiH koji je SOC ranije izradio. Radna grupa je u 2021. godini donijela zaključke, uz prijedlog za usvajanje Zakona o životnim zajednicama osoba istog spola FBiH. Zaključci su upućeni Vladi FBiH, međutim do danas Vlada FBiH nije poduzela konkretne korake po ovom pitanju. Nakon što Vlada FBiH usvoji zaključke, očekuje se formiranje nove radne grupe zadužene za pisanje propisa i njihovo konačno upućivanje u zakonodavnu proceduru. Samim uvidom u protekli proces i ono što predstoji izvjesno je da će s ovom dinamikom istospolni parovi još čekati na regulaciju svog položaja u FBiH. Da je neregulisanje istospolnih zajednica veoma problematično, a ujedno i pitanje koje je jednako nužno za LGBTI osobe kao i za sve druge građane, pokazalo je i SOC-ovo istraživanje iz 2017. na ovu temu, gdje su dvije trećine ispitanika_ca navele nemogućnost zaključivanja životnih zajednica kao jako važan problem. Nadalje, činjenica da u istraživanju preko dvije trećine ispitanika_ca živi ili planira živjeti s partnerom_kom, kao i da bi natpolovična većina njih zaključila istospolno partnerstvo da im je omogućeno, daje dovoljno jasnu sliku o diskrepanciji između potreba LGBTI osoba na jednoj i dosadašnjeg ignorisanja ovog pitanja od države na drugoj strani.

2) Osim u Kantonu Sarajevo (kontakt tužitelj Nermin Keranović), Tuzlanskom kantonu (kontakt tužiteljica Lejla Gazibegović Begović) i Trebinju (kontakt tužitelj Dino Redžović), imamo imenovane kontakt tužitelje_ice u:

- Zeničko-dobojskom kantonu (kontakt tužiteljica Manuela Smajić)
- Hercegovačko-neretvanskom kantonu (kontakt tužitelj Sanel Pajić)

Nadam se da sam Vam pomogao. Stojim na raspolaganju.
Srdačno,

Amil Brković
Programski koordinator/Programme Coordinator



Podgaj 14 - 71000 Sarajevo - BiH tel: +387 33 551 000, fax: +387 33 551 002

skype: SarajevoOpenCentre - amil@soc.ba - www.soc.ba

Pratite nas/Follow us: [facebook](#) // [twitter](#) // [youtube](#) // web portal LGBTI.ba

Pratite i /follow also: [Inicijativa za monitoring evropskih integracija BiH](#) //

Initiative for Monitoring the European Integrations of BiH



[Quoted text hidden]